

ما رنینگ گو جری نیو ز بلیٹن مو رخہ 16 ما رچ 2025

CSC Respond

وزیر اعلیٰ عمر عبداللہ نے کہیو ہے جے پھرتیاں مانہہ تخصصاں غا پچیدہ مسئلہ نانہہ دیکھن واسطے کابینہ سب کمیٹی تشکیل دتی گئی ہے، تے رپورٹ مکمل کرن واسطے اُس نانہہ 6 مہیناں غو وقت دتو گیو ہے۔ یوہ فیصلو وزیر اعلیٰ نے روزگارا ربا رے اُمید واراں غا اک گروپ سنگ ملاقات تیں بعد لیو۔ سماجی میڈیا سائٹ ایکس ور ایکن پوسٹ مانہہ اُنہاں نے واضع کی و ہے جے شروعاتی تے حکمنامہ مانہہ وقت مقرر نہیں تھو لیکن بعد مانہہ اس غلطی نانہہ سُدھار لیو جائے گو۔ اس تیں اک روز پہلاں جموں کشمیر سرکار نے اسمبلی نانہہ جانکاری دتی تھی جے 3 نفری سب کمیٹی واسطے رپورٹ جمع کران گی خاطر کوئی وقت مقرر نہیں کیو گیو۔ یاہ جانکاری سماجی بہبود غی وزیر سکینہ ایتو نے پیپلز کانفرنس غا ممبر اسمبلی سجاد گنی لون غا ایکن سوال غا تحریری جواب مانہہ سانجھی کی۔

Speaker BAC Meet

جموں کشمیر قانون ساز اسمبلی نے کل چل رہیا بجٹ اجلاس 2025 غا عارضی کلینڈر ورتبادلہ خیال کرن واسطے کاروبا مشاورت کمیٹی غی اک میٹنگ غی صدارت کی۔ اس سلسلہ مانہہ رواں اجلاس نانہہ فائدہ مند بنان واسطے قانون سازاں بشمول حزب اختلاف غا لیڈر سُنیل کمار شرما، علی محمد ساگر، مبارک گُل، محمد یوسف تارگامی، غلام احمد میر، محمد فیاض تے چودھری محمد اکرم نے مشورہ سانجھا کیا۔ جموں کشمیر قانون ساز اسمبلی غا سیکریٹری منوج کمار پنڈت تے اسمبلی سیکریٹریٹ غا سینئر افسر وی میٹنگ مانہہ حاضر تھا۔

Dar Job

ذریعی پیداوار غا وزیر جاوید احمد ڈار نے کہیو ہے جے جموں کشمیر غے اندر جنوری 2025 تک غا پچھلا 4 بہراں مانہہ ممکن، تجسونی، پی ایم ای جی پی تے آر ای جی پی جیسی اسکیمیں غے ذریعے کُل 9 عشاریہ 58 لکھ خود روزگار غا موقع پیدا کیا گیا ایں۔ موصوف قانون ساز اسمبلی مانہہ مبارک گُل غی طرفوں پُچھیا گیا اک سوال غو وزیر اعلیٰ عمر عبداللہ غی طرفوں جواب دے رہیا تھا۔ موصوف نے کہیو ہے جے جموں کشمیر یوٹی مانہہ 2019 تیں شدت نال بے روزگاری نہیں بدھی، تے یاہ سال 20/2019 مانہہ 6 عشاریہ 7 فیصد جد کہ 24/2023 مانہہ 6 عشاریہ 1 فیصد رہی ہے۔

MoS Hiranagar

مرکزی وزیر مملکت ڈاکٹر جتندر سنگھ نے ضلع کٹھوعہ غا بیرا نگر مانہہ اک عوامی دربار لایو، جت ویں مقامی لوکاں غی فکر مندیں دور کرن واسطے اُن سنگ مشغول ہوا۔ اس موقع ور بشمول بنیادی ڈھانچہ، صحت دیکھ بھال تے رابطہ جیسا کئیں مسائل موقع ور حل کیا گیا۔ ڈاکٹر جتندر سنگھ نے لوکاں غا مسائل اُن غا بوباں ور حل کرن غو عزم دُہرایو۔ اُنہاں نے زمینی سطح ور حکومت غی اہمیت ور زور پایو، جت لوکاں غی آواز سُننی یقینی بنائی جائے۔

CS e bus

چیف سیکریٹری اتل ڈلو نے کل حال ہی مانہ تشکیل دتی گئی یوٹی سطح غی رہنمائی کمیٹی غی پہلی میٹنگ غی صدارت کی۔ یاہ کمیٹی جموں تے سرینگر واسطے پی ایم ای بس سیوا غے تحت 2 سو نویں برقیاتی بساں غا ضمن مانہ جا ئزہ غی خاطر بنائی گئی ہے۔ یہ بس عوامی نجی حصہ داری پی پی پی غے تحت مرکزی امداد نال چلائی جا ئیں گی۔ اس ضمن مانہ 10 بہراں واسطے کل اندازہ رقم جموں واسطے 6 سو 28 کروڑ کہ سرینگر واسطے 6 سو 86 کروڑ روپیہ رکھی گئی ہے۔

Jammu Marathon

جموں کشمیر پولیس نے اج جموں مانہ جموں میراتھن دوڑ 2025 غو انعقاد کیو۔ اس تقریب مانہ بکھ بکھ زُمران مانہ دوڑ منعقد ہو ئیں، جس طرح 21 کلو میٹر گی میراتھن دوڑ، مردان واسطے 10 کلو میٹر دوڑ مقابلہ، کالسریاں، لڑکاں تے سابق جوانان واسطے دوڑ اور تمام عمر غا لوکاں واسطے 2 کلو میٹر دوڑ۔ آرمڈ پولیس غا اے ڈی جی پی آند جین نے زندگی غا تمام شعبان سنگ تعلق رکھن آلا 3 ہزار لوکاں نانہ صبح سویرے جھنڈی دس غے روانہ کیو۔

PM MKB

وزیر اعظم نریندر مو دی مُلک تے بیرون مُلک رہن آلا بھارتی باشندان سنگ 30 ما رچ نانہ آکاشوانی گا من کی بات پروگرام مانہ اپنا خیالات سانجھا کریں گا۔ اس پروگرام غی یاہ 120 ویں قسط وے گی۔ لوک مفت نمبر ور فون کر غے اپنا مشورہ دے سکیں جس واسطے نمبر اس طرح ایں۔ 1800117800۔ اس سلسلہ مانہ لوک آئن لائین نریندر مو دی ایپ یاہ مائی گوو اُپن فورم ور وی اپنی گل سانجھی کر سکیں۔ یوہ پروگرام آکاشوانی تے دور درشن غا تمام چینلاں غے نال نال نیوز آن آئرمو بائل ایپ ور وی دستیاب وے گو۔ مذکورہ پروگرام اے آئی آر نیوز، ڈی ڈی نیوز تے وزیر اعظم گا دفتر اور اطلاعات و نشریات وزارت غا یوٹیوب چینلا ور وی چلے گو۔ ہندی نشریات تیں فوراً! بعد پروگرام غو علاقائی زبانان مانہ ترجمو نشر وے گو۔

WPL

کرکٹ با رے کالسریاں غی پریمر لیگ مقابلہ مانہ کل شام ویلے ممبئی انڈینز نے دہلی کیپٹلس نانہ برا دتو۔
